

Янги йўналишлар ишга тушди

Ўзбекистон Республикаси Президентининг жорий йил 10 январда имзолаган «Аҳолига транспорт хизмати кўрсатиш ҳамда шаҳарлар ва қишлоқларда автобусларда йўловчилар ташиш тизимини янада такомиллаштириш чора-тадбирлари тўғрисида»ги Қарори ижроси юзасидан Тошкент вилоятида муайян ишлар амалга оширилмоқда.

Хусусан, вилоятда янги автобуслар сотиб олиш ва автопаркларни янгилаш баробарида янги йўналишлар ҳам очиш кўзда тутилган.

Жумладан, Тошкент вилояти, Паркент туманида рўйхатдан ўтган “Consulting Bulding Star” МЧЖга бириткирилган ВХ-564-сонли “ТТЗ-Байтқўргон Қ.Ф.Й” йўналиши қайта тикланиб, “Дамас” русумли енгил автотранспорт воситалари қатнови йўлга қўйилди. Мазкур корхонада янги 13 та иш ўрни яратилди.

Бугунги кунда хайдовчиларни тиббий кўриқдан ва автотранспорт воситаларини техник кўриқдан ўтказиш ишлари шартнома асосида “Тошвилавтосарой” МЧЖ да амалга оширилмоқда.

Шунингдек, вилоятнинг Пскент туманидаги “Ипак йўли автотранс” МЧЖ томонидан ВХ-659-сонли “Оқ тепа ҚФЙ-Пискент АШБ” шахар атрофи йўналиши бўйича ҳам янги йўналиш очилди. Ушбу йўналишда 6 та “Дамас” русумли енгил автотранспорт воситалари қатнови йўлга қўйилиб, корхонада янги 6 та иш ўринлари яратилди.

Ўзбекистон автомобиль ва дарё транспорти агентлиги Ахборот хизмати